




17574

katkomp.

I Mag. St. Dr. P

Muharsti Petri: Epopoeia Nobilitas ac Gene-
rosis Neoponsis Franciso Gordon
et Margaretae Portiae.

PANEG. et VITAE
Polon. 4.
N^o. 268.



In C

AA

EPOPO'EIA
NOBILIBVS AC GENEROSIS
NEOSPONSIS,
D. FRANCISCO
GORDON,
ET
Lectissimæ Virgini
MARGARITÆ PORTIÆ,
Amicis suis intimis
CONCINNATA

A
PETRO MVCHARSKI,
Medico Cracouensiſ.

ANNO SALVTIS,
Misit Dantis Cum cLio ſVa munera Sponsis,
Iunius octaua reddidit illa die.

C R A C O V I A,
In Officina Viduæ & Hæredum Francisci Cesarij, S. R. M. Typ.
Permissu Magnifici D. Rectoris Acad: Crac.

508.
33

**Nihil est tām naturæ aptum, tām
conueniens ad secundas res
& aduersas, quām amicitia.**

Cicero in Lælio.



**Præcipuum est domesticæ pacis, ac omnium bo-
norum fundamentum, si mariti secūm con-
sentientes sint per omnia, nam ubi hoc fit,
nihil triste contingere poterit Coniugio.**

Chrysoft : ad Titum

Hom : 4.

1774 A

EPOPO'EIA.

LInquens C R A C I A D V M Parnassi culmen Apollo,
Lechiadum varias properando deserit artes,
Sicelidum charas secum ducendo Sorores,
D A N T I S C V M tandem fluuiio discedit ameno.
Quid plura? Ergo nouis laribus clarescere gestit?
Ut prius Odrysios linquens impunè triones,
Ausonijs hospes, Lechicisq; penatibus hæsit,
Pauit & Admeti gregibus ripas Aganippes;
Sic fortasse noui quæret penetralia teclii?
Exulan æternum? Lechicisq; fugatus ab oris?
Non ita: sed nostris cum vix ea cognita labris
Causa, quid attinet? quò pergit? quid velit ille,
Pandite vos Helicona Deæ, causasq; mouete.

Nuper ad Eurotam, postquam lassatus Apollo,
Insperrata suo repleuit gaudia luætu,
Exos & exanguis, chari post damna Strategi,
Orbe pererrato statuit lenire dolorem:
Iam magnam Europæ partem lustravit anhelus,
Et tristes oculos, nunc buc, nunc proijcit illuc,
Vritur infelix veteris formidine casus,
Donec ad Aonias C. R A C I Æ reflexit Athenas,
Hic paulisper agens, recreans paulisper obortas
Rore genas, (tantos Hyacinthus adegit amores
Flere Deum?) postquam vera hæc solatia sensit,

E P O P O É I A.

Ad noua non solito deflebens gaudia nisu,
 Sarmaticis etiam voluit recrearier ortis,
 Hinc totum lustrans, ubi Cynthum ponere possit,
 Castaliae memor ipse fugae per singula currit,
 Vistuleas miratur aquas, ripasq; virentes,
 Vmbrososq; stupet lucos, vallesq; reductas,
 Et vario cursu venientia ludere secum
 Flumina, decurrunt quorum ostia vortice torto,
 Intrantq; assiduis gyris per littora Pontis;
 Iam virides sylvas, dumeta, ac teca pererrat,
 Ut tantum leniret iter, flexosq; recessus;
 Oppida iam numerat, pleno iam labitur alueo:
 Quotquot Pierio fuerant tum vertice Musæ,
 Quotquot in Isthmeis fuerant Acheloides vndis,
 Huc propero cunctæ gressu comitantur euntem
 Gurgitibus rapidis, quâ multâ flauus arenâ
 Isthla flectit iter: quâ SENDO MIRIA lymphas
 Agglomerans, SANVS crescit spumantibus atè
 Fluctibus, approperans COMITIA plena videre
 Sauromatum, Proceres largo quo tramite tendunt,
 Optatæ pacis studio, belliq; furores
 Mortiferi, patrijs pulsuri a finibus. Ast iam
 Regia celsa tholis ponè est, quâ Pergama cœlo
 Sidereo, sedes Regum VARSOVIA tollit.
 Hinc iter inceptum peragit, populoq; fideli
 TORVNII, forti Suecorum clade repressâ,
 Gratatur, cupiens libertatemq; perennem.

Nec

E P O P O È I A.

Nec mora, nec requies, rectâ certamine summo
Inde petit GEDANVM. Tum contemplatus ab alto
Munera, lâtitiamq; Deûm, quibus undiq; cœli
Pulchra NEOSPONSÆ decorant conuiuia, mensæ.
(Non secùs ac patriis pridem Cadmeia lustris)
Gratabundus ouat? personas visere tendens,
Quæ tibi nunc ô Phæbe dies? quæ gaudia surgunt?
Quæ pietas? quæ cana fides? Iam munera dotis,
Auguriumq; suum SPONSIS de corde reponit.
Iamq; iter emensus comitum stipante cateruâ,
Egreditur vegetus, portis succedit apertis,
Iuppiter, ut VENETA M olim (inquit) Neptunus in undis.
Felici GEDANVM (ni fallor) sorte locauit,
Ipse viris fecit, muris, fossisq; potentem,
Dives opum videñ? en sedes fortissima, asylum
Prussiadum, cunctis iterum Neptunia monstrat
Littora, longinquis merces quæris mittit ad oras
Gentibus, & Cerere omnigenâ solatur easdem.
Gratatur SPONSO, quod ad Vibem venerit Almam,
Coniugiumq; petat, quod SCOTICA Regnare relinquens,
Quærere non dubitet thalamos, SPONSAMQ; venustam.
Felix ter felix GORDON FRANCISCE vocande,
Quem Genus & Proavi similes de sanguine Equestri
Progenitum decorant. NATVM Genitoris ADAMI.
Cui Patria est GLANBVCHET, sedes FREICHER autâ,
Frates in viuis, IOANNES, PATRICIVSQ;
Qui lucent Domui veluti duo sidera Læda.

E P O P Ó E I A

Vnâ nobiscum RICHARDVS GORDON, honestis
Moribus exultus, comis, pergratus amicis,
Craciadûm residens, Frater tuus, incolit aedes:
Hæc Gens insignis semper Mauortia castra,
Ægisonæq; sequens, summos cumulauit honores,
Atq; Magistratus gessit, sellasq; curules.

IOANNES Patruus GORDON Tuus, ille potentem
(Cum socijs EGRÆ, Butler, Lefelq; animoso) AD 1634.
VALNSTENIVM PILSNÆ, coniuratosq; rebellis Feb. 15.

Cæsar is extinxit, fortè promptusq; VIENNAM
(Vulcano & cædi inscriptam) seruauit, eidem
Auis protantis donauit munera CÆSAR
FERDINANDVS, technis detestis, fraudeq; pulsâ,
Auratos Equites inter iussitq; sedere,
Latus honore suo; patulo celebrabitur orbe
Fama viri, spectata Fides, & Robur abenûm.

Suspiciens olim noster REX inclitus, illi
VLADSLAVS Castris Præfeti munia donat,
Horrida fœdifragus dum Moschus bella cieret,
Inuictum oppugnans ingenti mole SMOLENSCVM.
Prælia seceilant festiuum Hymenæ canamus,
Hoſpes APOLLO fauet, gladios & ſpicula temnit.

Visitat hic SPONSAM, probitas quam, forma, pudorq;
Candida mens; animiq; vigor, prudentia (maior
Annis) condecorat. Quodſi conferre licebit?
Claudia Vestalis campum pietate relinquet,
Et laudata olim, modò Deiopeia vieta?

Greca

E P O P O E I A.

Græca pudicitia palmam mirabitur Hippo,
Lesbia nec Sappho scripto, nec Clara Corinna
Doctrinâ, VENETVM aut surget Cassandra fidelis,
Portia Magne Cato demum tua Filia cedet.
Omnibus excellit, iunctim hic compendia cernis
Virtutum, quas sparsim illæ coluere priores.
Ast hæc parua fero, merito nec digna fauori,
Ne tua laus, VIRGO, nigrâ condatur in umbrâ
MARGARIS Illustris, quæ Phœbi lampadis instar
Purpureis fulgens radijs, largiris amicas
Delicias, Tu Solamen, Cor, Vita, Parentum.
BORSONIÆ ANNA à Duglas sat dignissima Mater,
Te genuit, claro sociandam ritè MARITO,
Huic Pater est IACOBVS PORTIVS, ille benignus
Instructor morum, calamo, linguâq; disertus,
Quem noscunt Cathedrae Doctorum, & rostra Senatus.
Si quæris Patruos, plures numerare licebit, (det,
IACOBO CROSPA, ANDREA IARSLAVIA, gau-
Tertius apprimè est nostro hûd inglorius orbi
PORTIVS a Lanxeth, primis ROBERTVS ab annis
Inuisit gentes varias, nunc Lechica Regna
Posthabit is laribus feliciter incolit, illum
Ob dotes animi Ciues cuncti venerantur,
Clerus amat, Patremq; vocant constanter egeni.
Regum VLADSLAI & CASIMIRI plurima faustè,
Gnauiter & perplexa negotia perficit idem,
Propter quod Titulum FACTORIS REX dedit, illi.

CROSNA

EPOPOEIA

CROSN A sit ipsa satis testis verissima factis.
Æde Paræcâ, cum Censu, binisq; Capellis,
Campanæ, Turris, Postes, Altaria Diuûm,
Picturæq;, Pauimentum, subsellia, dextrâ
Munificâ hæc erexit PORTIVS, atq; dicauit.
Fint nullus erit fandi, si cætera scripto,
Relecte factorum seriem, & virtutis obirem.
Qui tantum semper post funerala laudis habebit,
Contigerat quantum cuiquam virtutis alumno.
At quia prouelium fugit in præconia tempus,
Tempus abest, encomia contraho, dixit Apollo,
Cum potius deceat pro SPONSIS dicere vota,
Annuat ipse Pater fulgentis Rector Olympi,
Pro SPONSIS noua vota nouis, de pectore promos;
Viuite ritè pares, æterno fœdere iuncti,
Promissamq; fidem thalamis, animisq; tenete,
Et gnatos dulces, seros numerate Nepotes.
Dixit, & oculus patrias migravit ad oras,
Sicelidum sese retrò comitante Coronâ:
Omnes gratisonam exemplò sonuere loquelas,
Faxit. Iocundî vocem geminemus eandem,
Concordes SPONSI felicia secula viuant,
VIVANT: & dulci sobolescant stirpe vegentes.



